

100. Stjórnarfundur Byggðasafns Vestfjarða föstudaginn 6. nóvember 2018
kl. 13:00 á skrifstofu Byggðasafns Vestfjarða.

Viðstaddir eru: Þórdís Sif Sigurðardóttir, starfandi bæjarstjóri Ísafjarðarbæjar, Pétur Markan, sveitastjóri Súðarvíkurshrepps, Jón Páll Hreinsson, bæjarstjóri Bolungarvíkurkaupstaðar. Einnig er viðstödd Helga Þórsdóttir, staðgengill forstöðumanns Byggðasafns Vestfjarða. Fundastjóri er Þórdís Sif Sigurðardóttir, starfandi bæjarstjóri Ísafjarðarbæjar.

1. Málþing á vegum Byggðasafns Vestfjarða til heiðurs Jóns Sigurpálssonar fráfarandi forstöðumanni safnsins til 34 ára.

Umræðuefni málþingsins er lagt til að verði, framtíð Maríu Júlíu og björgun eldri báta.

Stjórn Byggðasafns Vestfjarða felur Helgu Þórsdóttir að skipuleggja málþingið og að leggja til fjármagn í viðburðinn.

Safnið fékk 1.500.000 krónur styrk frá Safnasjóði til að setja upp nýja sýningu á efri hæð hússins er nefnist Munir og mynd. Sýningin verður í sýningastjórn Jóns Sigurpálssonar, Munir og Mynd verður síðasta sýningin sem Jón setur upp hjá Byggðasafni Vestfjarða. 1/3 af styrk Safnasjóðs fer í að kosta málþingið.

Málþingið mun opna á sama tíma og sýningin, lagt var til að stefna á 30.09.2018.

Stjórn áréttar mikilvægi málþingsins, enda hefur Jón skilað merkilegu ævistarfi í þágu safnsins og á allan heiður skilið fyrir það.

Í því samhengi er gott að fundagerð geymi orð **Lilju Árnadóttur**, sviðstjóra munasafns Þjóðminjasafnsins sem skrifuð voru í **Kvist** blað safnamanna árið 2017:

„Þegar sýning Byggðasafnsins var fyrst opnuð í Tjöruhúsinu árið 1982 markaði hún á vissan hátt spor í sýningargerð á íslenskum byggðasöfnun. Þá var sleginn nýr tónn með því að leika á strengi Turnhússins og umhverfi þess. Nú hefur verið saminn nýr kafli í það tónverk.

Einkennismerki Ísafjarðar eru fleiri en sjómennska og sjóminjar. Á Ísafirði höfuðstað Vestfjarða blómstruðu verslun og iðngreinar. Í Byggðasafni Vestfjarðar eru varðveittir gripir og gögn sem nýtast mundu vel til þess að gera skil þeim atvinnugreinum. Þá mundu Krambúðin og Faktorshúsið verða þátttakendur í því að skapa ámóta umgjörð um þá og Turnhúsið gerir um sjómennsku og fiskvinnslu. Það sem kórónar þó safnið á Ísafirði er sú gæfa sem menn með Jón Pál Halldórsson í fararbroddi báru til þess að vernda og viðhalda hinni merku húsheild í Neðstakaupstað. Það var ekki fyrirhafnarlaust og því mega Ísfirðingar ekki láta þar við sitja heldur halda áfram að byggja upp og styrkja öfluga safnastarfsemi og metnaðarfulla sýningargerð. Heimsóknin í Turnhúsið daginn eftir magnaða máltíð í Tjöruhúsinu er áminning þess að söfnin í landinu hafa miklu hlutverki að gegna í bráð og lengd. Þau mega ekki kvika frá markmiðum sínum og þurfa að geta

tryggt gæði í sýningum sem þau standa fyrir, rannsóknum og fræðslu hvers konar.“

Þannig er ljóst að samstarfsmenn og aðrir sem til þekkja, viðurkenna Byggðasafn Vestfjarða, sem eitt fremsta safn sinnar tegundar á Íslandi leitt áfram af góðri þekkingu forstöðumanns þess Jóni Sigurpálssyni.

2. Rekstrarreikningur í lok maí 2018 hjá Byggðasafni Vestfjarða.

Rekstrarreikningur er ræddur og kom þar fram misræmi í liðnum aðrar tekjur, milli áætlunar og rekstrarreiknings. Jón Páll Hreinsson, bæjarstjóri Bolungarvíkurkaupstaðar, gerði athugasemd og óskaði eftir skýringu á misræminu, sem nemur 7,416,607 ÍSK. Eftir samtal við Védísi Geirsdóttur aðalbókara Ísafjarðarbæjar, kemur í ljós að framlög bæjarfélaganna höfðu enn ekki verið bókað við lok maí og skýrir það þennan mismun.

Samkvæmt þeim upplýsingum sem fyrirliggja núna er safnið innan ramma fjárhagsáætlunar 2018.

3. Starf forstöðumanns Byggðasafns Vestfjarða, ósk fyrirverandi forstöðumanns um leifi stjórnar til að vera næsta forstöðumanni innanhandar fram að vori 2019 með u.þ.b. 36 klukkutíma vinnu á mánuði.

Helga Þórsdóttir staðgengill Jóns Sigurpálssonar forstöðumanns, vikur af fundi meðann stjórn Byggðasafns Vestfjarða fer yfir þennan lið.

Stjórn stefnir að því að auglýsa eftir forstöðumanni haustið 2018 og að málið verði þá aftur tekið á dagskrá.

Stjórn ákveður að bjóða Helgu Þórisdóttur ráðningu til 1 árs með 1 mánaða uppsagnafresti, sem verkefnastjóra með sértæka ábyrgð/safnvörð, en hún yrði starfandi forstöðumaður þar til forstöðumaður tekur til starfa eftir ráðningu í starfið.

Samkvæmt upplýsingum starfandi forstöðumanns er nægjanlegt svigrúm á fjárhagsáætlun Byggðasafnsins fyrir ráðningu fyrirverandi forstöðumanns í hlutastarf. Byggðasafn leggur til að fyrirverandi forstöðumaður sé ráðinn í tímavinnu í samræmi við þörf og heimildir í fjárhagsáætlun.

Helga Þórsdóttir, skrifaði og sendir fundagerð út til umsagnar.